

檢  
論  
上

餘杭章炳麟太炎著

檢論

浙江圖書館校刊



檢論目錄

卷一

原人 序種姓上 序種姓下 原變

卷二

易論 附易象義 尚書故言 附造字緣起說 六詩說 關

睢故言 詩終始論 禮隆殺論 辨樂 春秋故言 尊

史 徵七略

卷三

訂孔上 訂孔下 道本 道微 原墨 原法 附漢律考

儒俠 本兵 學變 附黃巾道士緣起說

卷四

案唐 通程 議王 許二魏湯李別錄 哀焚書 正顏

清儒 學隱

卷五

民數 方言 附正名襟義 訂文 述圖

卷六

正議 商平 原教 爭教 訂禮俗

卷七

通法 官統上 官統下 五術 刑官 譴虛惠 相宅

地治 明農 定版籍 懲假幣 無言

卷八

楊顏錢別錄 襟志 哀清史 附近史商略 對二宋

卷九

非所宜言  
商鞅  
思葛  
伸桓  
小過  
大過  
附光復軍

志序

近思

檢論卷一

章氏叢書之一

原人

赭石赤銅箸乎山。蒼藻浮乎江湖。魚浮乎藪澤。果然獮狙攀援乎大陵之麓。求明昭蘇而漸為生人人之始。皆一尺之鱗也。化有蚤晚而部族殊性。有文獷而戎夏殊含。生之類不爪牙而能言者。古者有戎狄不比於人而輒近諱之。余以所聞名家者流。席天下之中央。則燕之北。越之南。是已然。則自大瀛海以內外。為渾洲者五。赤黑之民。冒沒輕儻。不與論氣類。如印度歐美者。則越海而皆為中國。其與吾華夏黃白之異。而皆為有德慧術知之氓。是故古者稱歐洲曰大秦。大秦即羅馬其曰大秦者。明非本稱。乃實中國所號。猶彼稱我。土以震旦稱我。明其同於中國。異於儻。獮戎之殘忍。彼其地非無



戎狄也。處冰海者，則有欵斯基穆人。燼瑞西普魯士而有之者，則嘗有北狄。俶擾希臘及於雅典者，則嘗有赫刺古利夷族。夫孰謂大地神皋之無戎狄而特不得以是杞白人耳。戎狄之生，歐美亞一也。在亞細亞者，禮義冠帶之族。厥西曰印度，東曰交趾。佗不著錄，或曰朝鮮者，韃靼之苗裔。余以為營州之域，自虞氏時，箸圖矣。卒成於箕子，衛滿及漢置玄菟、樂浪，文教之興，與上國同風，宜不得與韃靼為一族。然其隸郡縣材四百年，不如交趾等三郡久。意者三韓滅貉之種，姓彝處其壤，則猶露之有鮮卑。西伯利亞，或作錫伯，即鮮卑。奧之有匈牙利。即匈奴。總之傳於禹籍者，近是次朝鮮者，日本之俗同產，或薦寢老母，跪而謁子，綱紀殊絕。其姓亦雜胡漢，其他大幕之南北，蒙古、尼魯特之窟，袤延萬里。

犬種曰狄亦自謂出於狼鹿

凡犬種等名皆野人自號及此方以相鄙夷者然其獷悍蚩賤不異

禽雀故因其可以非人而非人之說詳序種姓上篇

東北絕遼水至乎挹婁牙種曰貉甌

越以東滇交趾以南內及瓊之深山蛇種曰蠻閩河湟之間驅

牛羊而食湏酪而飲旃罽而處者牧羊人曰羌

羌亦從羊然與羌異義日知錄

三十二日羯本地名上黨武鄉縣羯室晉時匈奴別部入居之後因號胡戎為羯是羯為地名非種類名與羌之言牧羊人者

殊自回鶻之入則羌稍陵遲衰微亦棍殺不得析是數族者自

羌以外在亞細亞洲則謂之戎狄其化皆晚其性皆獷雖合九

共之辯有口者而不能予之華夏之名也惟西南焦僥從人長

三尺莫知其誰氏要之衛藏與西域三十六國皆猶有順理之

性則神農黃帝所不能外亦其種類相似與震旦比猶艾之與

蒿猶橘之與枳夫西徼以外自古未嘗重得志於中國而南方



蠻髻之裔。尤顓愚無文理。條貫惟引弓之國。嘗盜有冀州。或割其半而卒。有居三鬲六鈇以臨禹之域者。其遂爲人乎。非也。其肖人形也。若禹與爲也。其能人言也。若狴狴也。其不敢狂惑。大倍於人義也。若夔麟也。夔麟雖馴。天祿辟邪。雖神不列於人。吾珍之字之。不獮殺之。而止其種類。不足民其酋豪。不足君烏乎。民獸之不秩敘也。千有五百歲矣。凡大逆無道者。莫勵篡竊。篡竊三世以後。民皆其民。壤皆其壤。苟無大害於其黔首。則從雅俗而后辟之。亦可矣。異種者。雖傳銅瑁。至於萬億世。而不得撫有其民。何者。位蟲獸於屏扆之前。居雖崇。令雖行。其君之實安在。虎而冠之。蝮狙而衣之。雖設醮醴。非士冠禮也。夫龍舉於華甬之下。乘雲瑕。負凌兢。霰雨注天下。號令非不施也。吾不事之。

以雨師之神民獸之辨亦居可見矣

案海內南經云梟陽國在北胸之西其為人人面長

脣黑身有毛反踵見人笑亦笑尋梟陽即鬻鬻乃亦稱人稱國蓋人獸之界限程度本無一定予之過濫則梟陽尚以人言況

戎狄特邪若專以文理條貫格之則戎狄特稍進於梟陽未云人也

不以形不以言不以地不以

位不以號令種性非文九趨不曰人

惟行進乃自變耳舊唐書突厥傳頡利部落來降溫

彥博請置於塞下曰古先哲王有教無類突厥以命歸我教以禮法盡為農民是說以類為種類能奉教則種類自化然雖進

於戎狄而部族與中國固殊云種性文雖以罪辜磔亦人若夫華夏而臣胡虜

之酋者寧自處於牧圉操筆而從之則謂之臣矣雖然德之不

建也民之無援也以大人豈弟其忍使七十二王之萌庶戕虐

於諸戎而不拊其死不人兮其生也故假手於臣異類以全泰

氏之民既臣矣仁故不代王義故七十而致政臣道也不持以

例民民力耕冥息珍食美衣老幼以相字夫婦以相驩朋友以

章氏叢書 卷一

相掖其名與實未嘗聽命於戎人彊與之以聽命之名則猶曰聽命於龍其何不辨辨之而不濫彈之而不設隱括惟政令之一出一入曰以是分戎夏烏乎民獸之不秩敘也久矣辨之而不濫彈之而不設隱括曰彼撫有九域自吾祖禰至今世以食毛踐土據流俗說是則未諦於北山之雅人楚之芋尹之言也彼周世也井田未廢則天子經畧諸侯正封九畝之土莫不曰王田而置農官以督之則民猶賃而耕者也其言若是豈不中哉自

秦漢以後井田廢約劑在民間

後魏至唐雖有均田然無公私之別又世業在口分外此終與

井田異旨也

民歸德於君文飾其辭則亦曰食毛踐土此非事實也

譬則以重華之聖頌其君銅印以上皆習之為恆言而心知其夸誣也亦明矣當秦漢以後中國之君而猶若是況異類乎彼



棄其戈壁而盜居吾膏腴則踐我土也彼舍其麋鹿雉兔而盜食吾菽粟則食我毛也彼方踐我土食我毛而曰我踐彼土食彼毛其言之不應其肺腸歟不然何其戾也希臘之臣服土耳其也數百歲矣一昔潰去而四鄰輔之以自立莫敢加之叛亂之名者無佗種族殊也意大利初制於日耳曼逾千年然有沙奇尼亞之復斯其殊類也閒不容翽忽耳然猶不欲以畀佗人由是觀之興復舊物雖耕夫紅女將有任焉異國之不忍安忍異種異教之不耦俱奚耦俱無教之狼鹿君子觀於明氏之史如鐻基者其於為震旦盡矣難者曰淳維之祖猶吳之祖今獸匈奴而民溱伯悖曰匈奴之犬種先淳維生矣己夏王之胤娶胡牝以為婦而傳胄焉其胄非人也豈直淳維郟瞞在三季矣

苟效吳泰伯雖被髮文身以奔揚州之域地故無異種孰不曰人若種類非也蒲石之入帝蒙古之全制其猶是封豕巨魚也

凡虜姓今雖從化然猶當辨其部族無令紛糝

且夫春秋以吳越從狄者謂其左衽同

浴不自別於異類故因是以身損之不謂其素非人若趙盾許止之弑被之空言而不敢辭非曰其以刃割也今吳越所部廣東福建交趾之域宅五帝之子姓矣其民有世系其風俗同九州其與沙漠之異族舞干戚而盜帝位者其可同乎故曰五者不足言而種性重也難者曰必紕亞洲之戎狄而喪進歐美使歐美之人入而握吾之璽則震且將降心厭志以事之乎曰是何言也其貴同其部族不同觀於黃書知吾民之皆出於軒轅余以姜姓之氏族上及烈山與任宿之風自蒼牙則謂之皆出

於三皇可也海隅蒼生皆三皇之胄廣輪萬里皆三皇之宅以

三皇之宅而使佗人制之是則祭寢廟者亡其大宗而以異姓

為主後也安論其戎狄與貴種哉其拒之一也余秩乎民獸辨

乎部族故以雲門之樂聽之大司樂注黃帝曰雲門大卷黃帝能成名萬物以明民共財言其德

如雲之所出民得以有族類一切以種類為斷是以綜覈人之形名則是非

昭乎天地

序種姓上

員輿以上人種五其色黃白黑赤流黃畫地州處風教語言勿

能通其小別六十有三然自大古生民近者幾十萬歲近世人類學者

以石層蒙骨推定生民之始最近當距今二十萬年其遠者距今五十萬年說亦難信然校之彼教所述或近情耳亟有

雜殺則民種羯羸不均古者民知漁獵其次畜牧逐水草而無



封畛重以部族戰爭更相俘虜羸處互效各失其本燥濕滄熱之異而理色變牝牡接構之異而顛骨變名位階級之異而風教變號令契約之異而語言變故今世種同者古或異今世種異者古或同要以有史爲限斷誠不可見遠流也言人種學者一曰大初有黃黑二民或云白黑又曰生民始黃人各異議亡定說方夏之族或云出於加爾特亞東踰葱嶺與九黎三苗戰始自大皞至禹然後得其志徵之六藝傳記非也山海經曰軒轅居於身毒之丘故泠倫采竹于大夏以爲律呂大夏者直印度北印度稱其竹曰覩阿羅蓬奢以爲洞簫作音之君明其取材相應其後人文盛自爲一族與印度漸別而與髣益親其比鄰諸部落有禮俗章服食味異者文謂之夷野謂之狄貉蠻閩

擬以蟲獸明其所出非人自貴其種而鳥獸殊族者烝人之性

所同也

狄貉諸名皆鄙薄異族爲之辭惟搜神記言蜀中西南高山之上有物與猴相類長七尺名曰猢猻一名馬化

或曰猢猻伺道行婦女年少者輒盜取將去爲家室若有子者輒抱送還其家產子皆如人形有不養者其母輒死皆以楊爲姓

故今蜀中西南多姓楊率皆是假國馬化之子孫也 媛類生人或近情實然自皇世民未知父獨有

母系叢部數姓集合自本所出率動植而爲神女者相與葆祠之遭侮釀嘲有以也其近而鄰中夏者蒙古滿洲推本其祖一

自以爲狼鹿一自以爲朱果藉其寵神久矣中國雖雅化古者

母系未廢契之子姓自玄胤名禹之似姓自薏苡名知其母吞

食而不爲祖亦猶草昧之緒風也夏后興母系始絕往往以官

字謚邑爲氏而因生賜姓者寡自是女子稱姓男子稱氏氏復

遠迹其姓以別婚姻故有帝系世本掌之史官所以辨章氏族

旁羅爵里且使椎髻烏言之族無敢干紀以亂大從及漢魏世  
守其牒則時以門資勳伐援駙要其大體未嘗凌雜也拓跋氏  
始變戎姓以從漢氏唐世諸歸化人或錫之皇族以爲殊寵明  
太祖興令北虜割裂姓氏與漢符合則統系樊然焚亂矣懿亦  
建國大陸之上廣員萬里黔首浩穰其始故不一族大皞以降  
力政經營并包殊族使種姓和齊以遵率王道者數矣文字政  
教既一其始異者其終且醇化是故淳維三韓出夏后晉卿也  
竄而爲異即亦因而異之丹駟朝蜀甌越朝會稽馴而爲同同  
則亦同也然則自有書契以世本堯典爲斷庶方駁姓悉爲一  
宗久遠疑事非君子所質自爾有歸化者因其類例并包兼容  
魏周金元之民扶服厥角以奔明氏明氏視以攜養孽子宜不